



FOTO R. FEINER/52BESTEBAUTEN.CH

Eleganza cumplaina

■ (ls/fmr) Sur la punt da Tumein, sur il Rain unì, passan di per di numerus automobilists. In artg filigran ed ina surconstrucziun reducida èn tratgs caratteristics da las punts da Christian Menn (1927–2018), in dals pli enconuschents con-

struiders da punts. La construziun dals onns 1962/1963 para leva e gracila e s'adatta uschia discretamain a la natura. Cun paucs medis e cun sia furma simpla fai surstar che la punt da 158 m lunghezza tegna insuma. La Punt dal Rain a Tumein

tutga tar ils 52 edifizis che la Lia grischuna per la protecziun da la patria preschenta en il decurs da quest onn sut il titel «52 beste Bauten». L'idea è da sensibilisar per edifizis grischuns da valur culturala, bajetsgs construids en ils onns 1950–2000.